

From
Synod Literature & Publication Board
Synod Office
Mission Vêng, Aizâwl – 796 001
Mizoram



Telephone : 69091 32893
e-mail : synodnews@gmail.com

Vol. XL No. 11 A man ₹1/-

NEWSLETTER

November 2025

LÂWRKHÂWM

SEC VAWI 314-NA A ̄TU

Synod Executive Committee (SEC) wawi 314-na chu September ni 24&25, 2025 khân J.M. Lloyd Hall, Synod Office-ah a ̄tu a; Rev. R.C. Lalngâkliana, Synod Moderator-in a kaihruai. Thurêl langsâr zualte: (1) Central K̄TP Inkaihruaina en ̄tatah Central K̄TP hruaitu ̄tur thlan ̄thin chu ruat tawh ̄tur a ni. (2) Social Welfare, Women & Child Development Department, Govt of Mizoram in ruihlo ngaite enkawlina – Jordan Centre, Sēthâwn enkawl ̄tura a ngenna chu Synod-a thlen rem tih a ni. (3) SPM-in a thawhpui mêk, jail tâng chhuak, hawna ̄tur nei lote enkawlina hmun – Khawngaihna In, Chite Vênga miin Synod ram (Pu Vânlalngaia pêk) hman hawh an d̄lina chu phalsak a ni.

SYNOD ATANA INBUATSAIHNA

Tûnlai hian Synod Inkhâwmpui atâna inbuatsaihin Synod hnuaiia committee hrang hrang an ̄tu ̄thîn.

THAWKTU THAR

Synod hnuaiia thawk ̄turin hêng mite hi lâk thar an ni a, ni 1.10.2025 khân an hna hi an zawm:

- Synod Hospital**
Pharmacy Assistant
Lalrinkima s/o P.C. Rohmingliana
Mission Vêng
- P.C. Girls' School**
Chowkidar
C. Lalhrizêla s/o C. Lalênga
Hualngohmun
- Synod Higher Secondary School**
Physics Lecturer
H. Vânlalhruaia s/o H. Vânlalsiama
Hmunpui

MUHCS CHUNGCHANGAH SYNOD LEH SAWRKAR INREM

Ni 28.10.2025 tlai dâr 3 khân Mizoram sawrkâr leh Mizoram Synod chuan Pi Lalrinpui, Minister, H&FW Department office-ah Mizoram Universal Health Care Scheme (MUHCS) chungchângah inremna thuthlung an ziak.

Synod Executive Committee (SEC) wawi 314-na khân Synod Hospital, Durtlâng leh John Williams Hospital, Lungleiiin MUHCS an zawm rem a lo ti tawh a. Hemi atâna thil ̄tûl leh pawimawhte bawh zuiin, tihfel ngaite tihfel a nih hnuah inremna thuthlung hi ziah a ni ta a ni.

Inremna thuthlungah hian Mizoram Synod aiawhin Rev. R.C. Lalngâkliana, Synod Moderator-in hming a ziak a; sawrkâr aiawhin Dr Lahriatuali Râlte (IAS), MUHCS CEO-in hming a ziak thung.

Rev. R.C. Lalngâkliana, Synod Moderator chuan, “Hun rei tak indâwrna a kal hnuah heti anga inremna thuthlung kan ziak thei ta hi a lâwmawm êm êm a. Kohhran

mipuiten ̄tang kai taka an hman ngei ka beisei,” a ti.

Mizoram mipui tâna ̄tha ̄tur ngaihtuahin, he inremna thuthlung ziak ̄tur hian Mizoram Synod leh Mizoram sawrkârte hi a theih ang angin an inhnûk hniam a. Inremna thuthlung hi ni 1.11.2025 khân hman ̄tan a ni.



LUNGLEIA SYNOD HOUSE SAK ̄THAT TUR LUNGPHUM PHUM

Ni 17.9.2025 khân Lungleia Synod House sak ̄thatna ̄tur lungphûm chu Rev. R.C. Lalngâkliana, Synod Moderator-in a phûm a, hetah hian Synod puipate leh Chhim Bial Committee member-te an tel. Lungleia Synod House hi kum 1990-a sak kha a ni a, a building hi a hluin a him tâwk tawh lova hriat a ni. Chhim Bial Committee chuan Synod Trust Committee-ah sak ̄that d̄lina a thlen a, hetiang hian hma lâk a ni ta a ni.

Building hi chhâwng ruk (Floor 6)- a sak ̄tur a ni a, sak zawm theih ̄tura ruahman a ni. First Floor-ah Synod Office a awm ang a; tin, quarters leh Conference Room a awm bawk ang.

He House sak ̄that nân hian ₹17,98,66,000 (Vaibelchhe sâwm leh pasarih, nuai sawmkua leh pariat, sîngruk leh sângruk) ruahman a ni a. Plan & Estimate hi Xc-Land Design Studio, Ramhlun North, Aizâwl siamt̄fir a ni a. Building sa ̄turin Upa R. Lalnunthara, Lunglei Chanmari thlan a ni. Ni 3.11.2025 khân

sak ̄tan a ni a, thla 42 chhûnga sak zawh ̄tura ruahman a ni.



SYNOD Newsletter

EDITORIAL STAFF

Rev. P.B. Zosâpthara
Rev. Dr K. Lallâwmzuala
Upa F. Lalthlamuana
Lalremmawia

Editorial.....



TUH RAH SENG

January thla ațang kha chuan tûn hi kan thleng ang em tih kan ngaihtuah thîn âwm e. Min hruaitu Pathian zârah November kan thleng leh ta dêr mai.

Lo lam leh huan lama kan chi tuhte/chînte chuan a nih tûr ang ang a ni a, kan seng ța leh mêk a. Thlai chi fang tê tak tê ațanga heti zât kan seng thei te hi a lâwmawm thîn mang e. Kan chîn chhan ang taka rah a chhuah hi chuan a chîngtu tân chuan malsâwmna a tling a ni.

Pathian thu-ah chuan, "Miin a theh apiang, chumi vêk chu a seng bawk dâwn si a; mahni tisa lama thehtu chuan tisaa mi chhiatna a seng ang a; Thlarau lama thehtu erawh chuan Thlarauva mi chatuana nunna a seng dâwn a ni," tiin kan hmu a (Gal 6:7).

Baibul sawi hi a danglam ve dâwn si lo va. Ni tin hian chi kan theh mial mial chu a ni mai a, eng chi nge kan theh ve? A ța ngei dâwn a, a ța mêk bawk a. Chhûngkaw khawsak honaah te hian eng chi nge kan theh ve le? Tisa lam thehtu kan nih chuan kan seng tûr chu chhiatna; min tirtu duh dâna kan theh erawh chuan chatuana nunna mai bâkah he leiah pawh malsâwmna kan seng tel dâwn a ni.

KTP GENERAL CONFERENCE INBUATSAIHNA: Ni 25.10.2025 khân kum 2026-a KTP General Conference chungchângah Organizing Committee leh CKTP hruaitute Saitualah an ța khâwm.

www.mizoramynod.org

SYNOD CHHAWMDAHLNA

Tûn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwna pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Airfield Vêng	Damlo leh khawsak harsa	3	30,000	N. Hlimen	Damlo	2	20,000
Saikhawthlîr	Khawsak harsa	3	30,000	Buang	Damlo	2	20,000
T. Daijang (Manipur)	Damlo	2	20,000	Sailutâr	Damlo	1	10,000
Khawkâwn	Damlo	2	20,000	Saikhawthlîr Vêngthar	Damlo	1	10,000
Zêmabâwk Berawlui	Damlo	1	10,000	Dampa Tlângnuam	Damlo	1	10,000
Sihphîr	Damlo	1	10,000	Vêngnuai	Khawsak harsa	1	10,000
Sakawrtuichhûn	Damlo	1	10,000	Saitual Bethel	Vânduaina tâwk	1	10,000
Cherhlun	Damlo	1	10,000	Kolasib Vêngthar	Khawsak harsa	1	10,000
Chhingchhîp Vênglai	Damlo	1	10,000	Phainuam	Damlo	1	10,000
Ratu	Damlo	1	10,000	Hmunpui Kohhran	Lei min dâwna atân	50,000	
Selâm	Damlo	2	20,000	Sateek	Damlo	2	20,000
Thêntlâng	Damlo	2	20,000	Lungpho	Damlo	1	10,000
Vapâr	Vânduaina tâwk	2	20,000	Rawpui	Damlo	1	10,000
Durtlâng	Damlo	2	20,000	Tlângnuam West	Damlo	1	10,000
Durtlâng Vênghlun	Damlo	2	20,000	Tuikual	Damlo	1	10,000
Lungdai	Damlo	2	20,000	Tlângnuam Vêngthar	Khawsak harsa	1	10,000
Thingsai	In chhia	1	18,000	Saitual Chhim Vêng	Damlo	1	10,000
Champhai Kanan	Damlo	1	10,000	Bethlehem	Damlo	1	10,000
Chhingchhîp Vênghlun	Khawsak harsa	1	10,000	Chhîpphîr	Damlo	1	10,000
Sihhmui	Damlo	1	10,000	Fârkâwn	Lei min tuar	2	30,000
H. Bualpui	Damlo	1	10,000	Fârkâwn	Harsa	1	10,000
N. Khawdungsei	Damlo	1	10,000	Fârkâwn Chhim Vêng	Lei min tuar	1	15,000
Tlângnuam West	Damlo	1	10,000	Ramhlun Sports Complex	Damlo	3	30,000
Tlângnuam Vêngthlang	Khawsak harsa	1	10,000	Ramhlun Sports Complex	Harsa	1	10,000
Kualmawi	Damlo	1	10,000	Bîlkhawthlîr	Damlo	1	10,000
Chawngtlai	Damlo	1	10,000	Kohima	Damlo	1	10,000
West Sêrzâwl	Damlo	3	30,000	Kolasib Vênglai East	Damlo	1	10,000
				Belh khâwm			8,03,000

JW HOSPITAL KUM 10 TLIN LAWM

Ni 1.10.2025 zîng dâr 9 khân John Williams Hospital, Lunglei din champhaphâk wavi 10-na lawm a ni a; Dr Ramdinthara Sailo, Medical Superintendent-in a kaihruai. Hemi zawh hian free clinic hawn a ni bawk.

PYF CONFERENCE THLENG

October ni 2–5, 2025 khân Presbyterian Youth Fellowship (PYF) Biennial Conference wavi 25-na leh Golden Jubilee lawmna chu Youth Recreation Centre (YRC), Falkland Vêng, Aizâwlah Central KTP-in tluang takin a thleng.

PWF CONFERENCE, RYMBAI-AH KAL

October ni 23–28, 2025 khân PWF 19th Biennial Conference, Rymbai, Meghalaya-ah Mizoram Synod ațangin mi 150 vêl an kal.

TB CHUNGCHANG INZIRTIR

Ni 15.9.2025 khân Synod Office-ah TB natna chungchâng inzirtîrna buatsaih a ni a. Rev. R.C. Lalngâk-liana, Synod Moderator-in a kaihruai a; Dr Zochhuanawmi, State TB Officer-in TB natna chungchângah hriat tûr pawimawh chi hrang hrang a hriah fiah. Hetah hian Synod Office-a thawkte leh Synod puipate an tel.

Hetiung hun hi State TB Cell chuan kohhran hrang hrang hmunpuia hman zêl tûrin ruahmanna a siam. Mizoram Synod chuan TB vei, ei tûr ța nei lo mi 50 tân țaupuina a pe bawk.

HAWNG

Ni 14.10.2025 khân Hmangaihna In chung chhâwng khat sak belh chu Rev. Dr K. Lallâwmzuala, Executive Secretary i/c Hmangaihna Inin Pathian hnênah hlânin a hawng.

Râl Vêngtu

Râl Vêngtu chu a vên bûk ațangin ni chhuah sârah a rawn hawi chhuak a. Mite chuan, "Râl Vêngtu, hei, kum a lo vei leh têt tawh mai a, thu min chah duh i nei em?" an rawn ti a.

Râl Vêngtu chuan, "Nei e. Ngun takin lo ngaithla rawh u. Pahote u, huan ța tak mai in neihah khân a ei chhe thei lût/ chhuak ta sela, inah in la mutsan diai diai thei ang em? Chutianga a thlai ei chhetu an awm a hriat veleh tu pa nge a huan lamah rilru pe lo awm thei ang? A insiam ang a, huan lam a pan vang vang ang a, a huana lo awm chu a hnawh chhuah hma loh chuan a bei dawn lo'm ni? A nih loh leh, tu pa nge a khum zawn takah ruah far sela, siam lova awm reng thei ang? Mut mawh hnâr mawhah a neih lo vang em ni?" a ti a.

Rawn pung khâwm zînga paho chuan, "Râl Vêngtu thusawi chu a pawimawh hle mai. Pathian min pêk kan ram (Huan)-ah hian lût an tam tawh si a. Keini lah hi sawiah chauh dik leh rinawm kan tum a. Hnawh chhuah kan tum dân hi a fuh lo deuh a ni ang. Kan hnawh chhuah loh chuan kan huana thil ța hi an ei chhe vek dawn a nih hi. Kan khum zâwna ruah far ang hian mut mawh hnâr mawhah, hawh teh u, i neih tawh ang u," an ti a, an haw darh ta a.

OATH TAKING & GRADUATION DAY HMANG: College of Nursing, Synod Hospital, Durtlâng chuan ni 16.10.2025 khân 52nd Lamp Lighting – Oath Taking Ceremony leh 21st Graduation Day a hmang.

SYNOD HOSPITAL, DURTLÂNG THILPÊK DAWNTE

(September 2025)

I. CHARITY FUND PETUTE			
1. Pi Lalremi, Zêmabâwk North	5,000	20. Lungdai Kohhran	4,000
2. Pu Zodiniana, Mission Vêng	2,000	21. Pângbâlkâwn Pastor Bial	10,210
3. Dr Lalmalsâwma Nghâka		22. Khatla Pharmacy, Khatla	2,000
D3 Business Enterprise, Kulikâwn	5,000	23. VTR Computer Center, Khatla	5,000
4. Victor Zothansânga, MV-II, Rose		Belh khâwm	2,01,710
Mission Vêng, Below Synod Press	1,000	II. THISEN PETUTE Unit zât	
5. Pi Chawngchhîngi, MV-II, Mission Vêng,		1. KTP, Leitan East Branch	29
Below Synod Press	1,000	2. KTP, Leitan South Branch	36
6. K. Lalrohlu Linda		3. KTP, Mêlthum Branch	10
Tuithiang Vêngchhak	2,000	4. KTP, Bethlehem Vêngthlang Branch	50
7. Hming thup	500	5. KTP, Maubâwk Pastor Bial	54
8. Upa C. Vânlalzâma & Lalneihzuali,		6. Missionary Training College	37
Durtlâng, Inneih Silver Jubilee pualin	30,000	Belh khâwm	216
9. Pu Rongheta, Laipuitlâng	5,000	III. THIL DANG PETUTE	
10. Hunthar Vêng Kohhran Hmeichhia	20,000	1. Rûlchâwm Kohhran Hmeichhia – ICU damlo	
11. Saikhawthlîr Pastor Bial		awmpuitute mutna tûra phah Foam Sheet	
Kohhran Hmeichhia	5,000	paruk (6).	
12. Zohmun Pastor Bial		LAWM THU SAWINA: Hospital mamawh chi	
Kohhran Hmeichhia	5,000	hrang hrang petute chungah Pathian hmingin	
13. Vaivakâwn Pastor Bial		lâwm thu kan sawi a. A lêt tam takin Pathian	
Kohhran Hmeichhia	30,000	malsâwmna lo dawng zêl ang che u. Thil pe duh	
14. Bûngkâwn Pastor Bial		tân Director (94361 41739) leh Nursing	
Kohhran Hmeichhia	40,000	Superintendent (94361 52751)-te hnênah eng	
15. Tualchêng Kohhran	8,000	lai pawhin inhriattîr theih a ni e.	
16. Selâm Kohhran	5,000		
17. Lungphunlian Kohhran	3,000		
18. Pâmchung Kohhran	3,000		
19. Chawlhmun Kohhran	10,000		

LITERATURE CAMPAIGN

Synod Literature & Publication Board ațangin Literature Seminar hmanpuiin hetiang hian an chhuak:

Ni 7.9.2025 zân khân *Zonuam East Kohhranah* Rev. Dr K. Lallâwmzuala, ES. Ni 7&8.9.2025 khân *Bûngtlâng Pastor Bialah* Rev. P.B. Zosâpthara, Editor leh Upa Lalrammawia Ngênte, BEC Member. Ni 27.9.2025 chhûn leh zân khân *Falkâwn Hmâr Vêng Kohhranah* Rev. Dr K. Lallâwmzuala, ES leh Pu Lalremmawia, OA. Ni 4&5.10.2025 khân *N. Vanlaiphai Vênglai Kohhranah* Rev. P.B. Zosâpthara, Editor leh Pu Zohmangaiha, Asst Editor. Ni 5.10.2025 khân *Salem Vêng Kohhran, Aizâwlah* Pi Rinsailovi, Jt Editor leh Rev. Dr K.M. Vânlalpêka, ATC. Ni 18&19.10.2025 khân *Tlungvêl Gate Vêng Kohhranah* Pi Rinsailovi, Jt Editor; Pu Zohmangaiha, Asst Editor leh Pi Râllianthangi, OA. Ni 19.10.2025 zân khân *Leitan Kohhranah* Rev. P.B. Zosâpthara, Editor leh Upa Dr Lalthanliana, BEC Member.

PES QUIZ SCREENING TEST

Synod Information & Publicity Department (Synfo)-in ram pum huap Presbyterian English School (PES) puala PES Quiz a huaihawt tûrah ni 7.10.2025 khân Centre pariatâh Screening Test buatsaih a ni. Quiz-a tel tûr hian sikul 80-in hming an pe a ni.

THISEN PE

Ni 17.9.2025 khân *Missionary Training College (MTC)* chuan an college-ah thisen pêk rûnpui a buatsaih a, Synod Hospital tân thisen unit 37 (Mipa 28 leh hmeichhia 9) an pe.

Ni 6.10.2025 khân *Mizoram Christian College NSS Unit*-in an college-ah 'Voluntary Blood Donation Camp' – Civil Hospital, Aizâw Blood Bank tân a huaihawt bawk a. Hemi hunah hian thisen unit 81 pêk a ni a, a petute hi mipa 72 leh hmeichhia 9 an ni.



BIAK IN HAWNG DAWN

Ngopa North Kohhran Biak In chu November ni 22, 2025 (Inrinni) hian Rev. R.C. Lalngâkliana, Synod Moderator-in a hawng dawn a. Hemi hunah hian Ngopa North Kohhran member, hmun danga awmte leh he kohhrana lo lawi tawh zawng zawng chu tel vek tûr in an sâwm a. Tin, an biak in thar lawmpuitu kohhran mi zawng zawng pawh he hun hmanpui tûr hian an sâwm bawk.

CENTENARY LAWM DAWN

W. Phailêng Kohhran chuan November ni 23–30, 2025 hian an kum 100 tlin (Centenary) an lâwm dâwn a. A ni pui ber chu ni 29 (Inrinni)-ah hman tûr a ni. He hun hmanpui tûr hian an kohhrana lo lawi tawh zawng zawng leh Bialtu Pastor leh Pro. Pastor-a lo awm tawh zawng zawng an sâwm a ni.

MIZORAM CHRISTIAN COLLEGE

♦ **Din champhaphâk lâwm:** Ni 6.10.2025 khân devotion hunah MCC din champhaphâk pualin hun hman a ni.

♦ **MRB-in bus pe:** Mizoram Rural Bank (MRB) chuan an din champhaphâk pualin Corporate Social Responsibility (CSR) kaltlangin MCC hnênah bus an pe.

MRB din champhaphâk vawi 42-na hi ni 27.9.2025 chawhma dâr 10 khân an Head Office Auditorium-ah lawm a ni a. He hun hi Pu V. Lalrinmawia, Manager, Financial Inclusion-in a kaihruai a; Rev. Dr Rosiamliana Tochhawng, Synod ES-in hunserh a hmang a. Pi Sheryl L. Vanchhong, MRB Chairman leh Dr Tâwnênga, MCC Principal-ten thu an sawi bawk.



CCM COMMITTEE A ̄THU

Ni 18.9.2025 khân BCM Hqrs Office, Sêrkâwnah Council of Churches in Mizoram (CCM) Executive Committee vawi 3-na a ̄thu.

ZVC-IN BRIEFING HUN HMANG

Ni 6.9.2025 khân Zirlai Viltu Committee (ZVC) chuan Synod Conference Centre-ah Category-3 (Undergraduate) member thar mi 5-te tân Briefing leh Orientation (Inhrilh fiahna leh infuihna) hun a hmang.

PC GIRLS SCHOOL ADMISSION

PC Girls School-a lût duh tân – **Class A** admission form, ni 24.11.2025 ațangin a lâk theih a, ni 16.1.2026-ah theh luh tûr a ni a, admission fee ₹750/- a ni. Sikul dang ațanga **Class B–Class VIII** lût tûr tân ni 12.1.2026 ațangin admission form lâk chhuah theih a ni a, ni 16.1.2026-ah theh luh tûr a ni a; **admission fee** – Class A–I tân ₹750, Class II–IV tân ₹1,000 leh Class V–VIII tân ₹1,100 a ni. Aizâwl khawpui pâwn lam tân hostel admission dîl theih a ni a, hostel-a awm tûr tân admission fee ₹6,700/- a ni.

RAWNGBAWL HNA RUAK DIL THEIH

A hnuaiâ târ lan rawngbâwl hna hrang hrangte hi Mizoram Presbyterian Kohhran hnuaiâh a ruak a. Mizoram Presbyterian Kohhran mi, rawngbâwl tûra Pathian kohna hria, kum 18–35 inkâr, ni 2.12.2025-a kum 35 la pumhlûm lo, zûk leh hmuam leh ruih theih thila fihlîm tân dîl theih a ni. Dîlna form hi Synod Service Board Office, Aizâwl leh Synod Office, Lunglei ațangin lâk theih a ni ang a; Synod Service Board Office, Aizâwlah theh luh tûr a ni. Dîlna form man ₹20/- a ni a, dîlna form-ah hriat tûr pawimawh târ lan a ni.

1. Hna hming : Assistant Co-ordinator (Regular), Post 1

Thiamna : Graduate of any recognised university.

Hlawh : Level-8 (29500-1000-39500-1200-83900)

2. Hna hming : Music Instructor/Instructress–Guitar (Contract), Post 1

Thiamna : Graduate of any recognised university with diploma in music.

Hlawh : Synod hnuaiâ Music Instructor/Instructress (Contract) hlawh.

3. Hna hming : Chowkidar (Contract), Post 1

Thiamna : Class VIII certificate holder.

Hlawh : Synod hnuaiâ Chowkidar (contract) hlawh.

– *Dîlna hi ni 17.11.2025 (Thawhțanni) dâr 3 p.m. thleng theh luh theih a ni ang.*

– *Written test neih hun : Ni 22.11.2025 (Inrinni) dâr 10:30 a.m.*

– *Written Test neihna hmun tûr chu la inhriattîr leh a ni ang.*

– *Interview hun : Ni 2.12.2025 (Thawhlejni) dâr 10:30 a.m.*

Sd/-

(REV. V.L. LUAIA HRANLEH)
Secretary, Synod Service Board

RAWNGBAWL HNA DIL THEIH

Synod Revival Committee chuan kum 2026–2028 (kum hnih) chhûng thawk tûr Synod Revival Speaker mi 60 a la leh dâwn a. Dîl duhte tâna hriat tûr hetiang hi a ni:

Form lak chhuah ̄tan ni : October ni 6, 2025

Form theh luh hun tâwp : November ni 21, 2025

Interview hun : December ni 3, 2025

Dîl thei chin : Mizoram Presbyterian Kohhran mi, kum 30 leh 60 inkâr

Form lâk chhuah & theh luhna hmun : Revival Department, Synod Office

Beisei dangte

1. Tualchhûng kohhrana thuhrlitu emaw, kohhranin thuhрила a rawih ̄thin emaw.
2. Zûk leh hmuama fihlîm.
3. Presbyterian Bible School-a zir chhuak.
4. Kohhran inkhâwm ngai pawimawh leh revival rawngbâwlina lo tel tawh ̄thin.

Sd/-

(REV. V.L. LUAIA HRANLEH)
Senior Executive Secretary i/c Revival, etc.
Mizoram Presbyterian Kohhran